



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nomenclator Sanctae Romanae Ecclesiae Cardinalium Qvi
Ab Anno Christi Millesimo quippiam commentati sunt, Sev
Ab Eo Tempore quo Pontificis electione ad eos tantum ob
Romani cleri multitudinem ...**

**La Rocheposay, Henri-Louis Chasteigner de
Tolosae, 1614**

A Nicolao IV. Creati.

urn:nbn:de:hbz:466:1-10735

exiguo rei literariæ intertrimento, oculis nostris
vetustas subduxit, vt indicat Cortesius. Obiit
anno 1287. Romæ sepultus in æde Sanctorum Syl-
uestri & Martini, cum hoc Epiraphio, cuius cadu-
cæ literæ visum ferè effugiunt.

Hic iacet Dominus Geruasius Cardinalis Cænomanen
..... amare sta 69. constans & ment..... 40. quæ misce
..... o sine fine

BENEDICTVS CAIETANVS Anagninus Car-
dinalis, qui postea Bonifacius Papa 8. Dyni Mugellani
nandus auditor, scripsit

De Christianæ fidei & Romanorum Pontificum
persecutionibus.

De regulis Iuris.

De Indulgentiis anni Iubilei.

Epistolas plures, quarum duæ extant apud Mathæum
Vestmonasteriensem.

Orationem. *Aue virgo gloriosa.*

Sextum item Decretalium librum, doctorum aliquot
opitulatione peractum, publicauit.

Regestique eius volumina 4. in Bibliotheca Vaticana
seruantur. Obiit anno 1303. iacetque in Basilica
Vaticana.

A NICOLAO IV. CREATI.

MATHÆVS DE AQUASPARTA Tudertinæ
Diocesis ord. Minorum Cardinalis, & Theologus quæ-
sitissimus, scripsit

In Epistolas Pauli.

Quodlibetales quæstiones.

In 4. libros Sententiarum lib. 4.
Postillam in Psalmos.
In librum Iob.
Indicem seu Inuentarium Sententiarum.
Quæstiones disputatas.
Sermonesque varios. Obiit Romæ an. 1302. Sepultus in æde S. Mariæ de Ara-cœli.

HUGO SEGVIN' de Billon apud Aluernos, Cardinalis ord. Prædicatorum, Archiepiscopus Lugdunensis in diuinis scripturis iugi exercitatione doctus, & Theologicarum difficultatum pensitator subtilissimus, scripsit.

In Threnos Hieremiæ Commentaria.
In quatuor libros Sententiarum.
De immediata visione diuinæ essentiæ.
Contra Corruptorium S. Thomæ.
Sermones plures, & alia: Obiit an. 1328. Romæ sepultus in æde S. Sabinæ cum hoc Epitaphio.

*Hugo vocatus homo fuit hic, & de Biliomo.
Per mortem clarum dedit hunc Aluernia carum.
Ordinis hic frater, quippe dicat hunc bona mater,
Edidit ad studia doctorem Theologia;
Cui socios Petrum Paulum det gratia Christi.*

NEAPOLEO VRSINVS Romanus Cardinalis, nonnulla scripsit ad Theologiam pertinentia, vt refert Cortesius, temporumque mobilitati & inclementiæ adscribendum, quod huc vsque desiderentur. Obiit Auenione anno Cardinalatus sexagesimo.

THEOBALDVS Stampensis Anglus, de cuius Cardinalatu addubito, quicquid dicat author Catalogi scriptorum Angliæ, scripsit

Contra errantem in Theologicis.

Disputationes aliquot.

Et alia nonnulla. Obiit anno 1289.

A S. COELESTINO V. CREATI.

Ordinis Cælestinorum Institutore.

IOANNES DE CRESSY Monachus dioc. Ambianensis Gallus, ex Episcopo Meldensi Cardinalis, amplissimum Collegium Lutetiæ excitauit, scripsitque

Commentaria in 6. Decretalium.

Glossam auream nuncupatam Venetiis editam anno 1586.

Aliaque nonnulla in iure canonico. Lutetiæ iacet in æde præfati Collegij cum hoc Epitaphio.

Hic iacet Dominus Ioannes Monachus Ambianensis diocesis, tituli sanctorum Marcellini & Petri presbyter Cardinalis, fundator istius domus, qui obiit Auenione anno Domini 1313. die 22. mensis Augusti: Sepultus fuit hic, die prima mensis Octobris anno eodem, orate pro eo.

GVILIELMVS Longus Bergomensis ex Cancellario Caroli 2. Siciliae Regis Cardinalis, tanti nominis in vtriusque iuris scientiâ fuit, vt Bonifacio 8. in Sexto Decretalium condendo frequentem operam haud inglorius auxiliator præbuerit. Obiit Auenione. Anno 1319. Bergomique in Ecclesia Minorum, cum hoc iacet Epitaphio.

Hic iacet corpus pie memoriæ Guilielmi de Longis Cardinalis.